


中國佛寺志叢刊

趙樣初





清・釋笑峰編

清・施閏章補輯

青原志略
(下)

廣陵書社

青原志略卷八

附錄六

笑峰門人興化芝穎編

春音居士于藻慧男較

書

與曾景達書

元劉將孫辰翁

里中山水黃洞梅谿羅霄為最奇梅谿黃洞僕未到自
是若籬障間物羅霄跨袁吉亘數百里今安城所轄武
功者是山靈亦馳輝請君遙羨江珧而未飽也雙蛾九
子一經右軍太白點染便王盟中夏隨刊未施靈跡常
晦仙巖秘府有待後人青原去郡幾何紆衍盤曲流泉

活活如帶附近老翁有年八九十眼光墜地而不一蹇
裳者可歎也

與羅念菴

王畿

自廓翁指背後青原復古諸會所荒落殆甚諸友悵悵
若無所歸因知此輩未必盡發真心爲性命歿風聲鼓
動至盟不可無人一人倡衆人和倡者衆和者益衆所
謂道誼山師友有之若各各離居火力不聚漸至烟消
寢成灰息求此道之明亦不可得也吾兄素行超卓真
純粹自同志素所信向乃今閉關多年高臥不出于一
已受用得矣如世道何兄見此輩發心不真遂生厭離

不如自了性命且見荆用出山大業未究遂有所懲益
堅遯世竊計此亦過矣大乘禪宗尚不肯作自了漢况
兄平生種下萬物同體真種子世間痛癢素所關心天
機感觸隨處生發豈容自己春秋會時還望爲衆出關
將身擔當此事以爲之倡務各各以實行相觀法不徒
知解辨說滋長虛見使諸會所燦然修明有光舊業庶
不枉大丈夫爲此一大因緣出世耳弟雖老矣不敢不
如期趨晤共効切劘之助聞督學不喜講學而獨敬信
吾兄此公人品非凡流若果人人如兄無係籍假道之
嫌彼豈甘心作惡也哉是知榮辱在于自召真假可以

立決未必盡彼之過也

答聶雙江

歐陽德

聞欲與東廓爲青原之會甚善道之不明大率朋友離
索之故二公會於青原四方同志必聞風而來矣親民
是心之本體本體如此功夫亦合如此常善救人則無
棄人常善救物則無棄物所以親之也德每覺與人猶
自別擇同異以此欠真誠惻怛未能親得在雖往往自
訟終未造實際乃知毫釐之間相去天壤矣周庵山卓
然自樹又能虛已從善朋儕中所不可及此來必有相
長之益便開示知之

寄鄒爾瞻先生

方大鎮

龍鱗可批權奸可忤三黜可聽夜郎可赴平險一我孰
有不心折先生者哉然而立朝垂紳未免門戶見日在
野講學未免壇坫異同大人何以消此無我而因物則
薪火而養誠明孰能違之青原提示遠近流傳亦有一
得愚管願捧土于泰山焉先生曰欲仁卽至一日千古
何論日月大究竟處且無已仁安在且無至又安有不
至此爲平泯而言也卽浮雲卽天能令學者放蕩恣逸
先生亦慮之耶人情遲速異宜強以不堪則過天理隆
殺異宜責以太難則甚先生亦慮之耶曾知究竟亦無

究竟卽以直下爲究竟乎卽分殊而平泯則中節正泯
安可忽也聖人早知如此故藏悟于學巧莫巧于規矩
奇莫奇于至誠因物制物卽因物用物陽明鼓舞親切
之真機攷亭安頓萬世之非窺靜敬以入至誠格致以
享神明通其變使民不倦皆吾本願之所貫也臣子隨
分竭力不落計較學道而見萬物皆備之獨豈用安排
乎朝野出處惟無我者滿載解纜始能由己泰然不則
矜氣日生由于慾忿難免而又好吹疵責人自護壇坫
此士林之所以鬪爭歟言本來者貴自反而平平耳今
巧倚本來一句而先抹撥倫物學問矣言本空者謂不

礙事物之正用也。今巧倚本空一句而首意見以縱慾矣。陽明曰：念如何無，只是要正，詎爲無念。羊影所潛疑耶？戒懼卽是悅樂。大公卽是無欲。冬至過間出而由戶，禮曰：情用易日時乘，經權中節。此掌明堂之萬古素位也。豈以卮寓別調而荒之哉？學而不厭，與古爲徒。文以禮樂薪火，毋欺原不與。人爭高而範圍自在也。陽明復生，自以致亭之非竈爲善刀之藏矣。謹錄一間以備采擇。

復吉州李梅公諸居士請任青原書 道盛

庚辰洪都承大居士與劉西佩諸公延衲泰定及建安

國主請至上藍一時宗風丕振皆不忘付囑之力也明年因郭首龍居士親到廬山圓通挽衲王青原祖庭彼時以圓通事不能脫手後因楚江亂遂到吳越幾二十年前在天界適台駕過訪獲與劉平老及艾昭笑峰諸子相會亦皆以護祖庭爲囑此正時節因緣有待耳蓋青原七祖爲曹溪長子首出羣英後石頭下二支一藥山雲巖下出洞山一宗一天皇龍潭下山雲門法眼兩宗皆其源高流長也流來法道有典有廢使無典廢相尋則天地生殺之氣機亦息聖凡剝復之神化亦竊矣惟在人能通變則佛聖皆不倦耳設世尊不有調達諸

魔外攻擊則三劫六通及諸莊嚴皆無跡發現所以維
摩云衆生不病則我不病吾若不病則衆生病不能愈
也正以諸佛功德莊嚴皆從衆生六十二見諸病中得
龍樹馬鳴不因外道則不造論達磨不面壁不服毒則
不能傳法二祖不立雪斷臂則不能安心得懶卽六祖
亦有室中揮刃之事傳此法者命如懸絲不具歟乎自
古佛聖英雄誰非以吉凶悔吝而生大業卽二支五派
之後獨存臨濟洞上二宗子孫亦從近世始盛也盛且
憂之矣仙僧數十年正爲大法不惜軀命而海內知者
底能見諒今浙中護法前王舉亭崇先是真歇子禪師

鷲山者五百季來幾于湮沒若不力疾當車後來未易
重振也青原今得笑峰主持使山僧爲向上一位不更
難貴于惟高明鑒原

復張幹臣內翰

笑峰然

惟我大檀度式王金章成教琢此番第一寶覆大千不
獨朝堂棟礎且爲法社金湯幸甚幸甚前以滌創陳人
衰劣無似偶擁祖庭之簪遂班仙侶之班謬荷護持俾
供灑掃候本師之至止乃孳伴而言旋得師報命之章
令衲便坐此席淡惡不類又難固違奉示於重宇之前
即次於泣客之望遠巡久之蓋其慎也春抄聞捷欣抃

有知劉 州老歸復展翰南側承雲覆詢芻擇藟芝曠
在香花 視艸之時彌見素心超然遠覽入世而翹出世
之懷居塵而無滓塵之累于此見矣所遙視者惟齋精
神以基大業審言動而謹微芒時以利濟爲心自與聖
賢合轍 于韶格物大慧物格四稜塌地豈更問關吏合
繻哉 一有擔荷自絕商量又何庸以柱下雙趺爲蛙鳴
驗始終也

復趙居士

時之一言貫乎古今通乎晝夜子與氏之贊我宣尼惟
一時字 卽禪宗云欲知佛性義當觀時節因緣居士拈

出此字可謂善知佛聖矣本師浪杖人平常亦多揭此
義以示學人而平生所坐道場不止三十餘處孔席不
暖木鐸道人蓋亦有焉納質性愚鈍愧瞻後塵而潦倒
一生半儒半釋則亦時爲之耳公安石公長才短馭其
逢時也得失半之具於學也亦儒佛相濟楚實多才未
可數數惟以失時得時評論孔釋是真截論蓋釋迦位
斷金輪孔子出走司寇豈可以得失相較量哉知居士
亦但節取其言非以爲馬論也高咏大函真可割抉門
戶掃除葛藤而本來平泯無是無非亦不妨於是非中
焉取惟居士於古鏡未鑄之前及此鏡既破之後心眼

相灼則鼻直眉橫手持足行寧還其事豈可偏倚哉率
復不次

復蔡嚴菴

吉州居江右上游水出高原山分嶺北宜節義文章之
上項背相望而未見有當意宗乘恢弘祖道如漢右居
上者也項接翰南略展佳製已令人引領於五雲之上
既得戒子芝韻喜其問答頗有來歷旋爲印可而後出
居士之所以成襜砥礪之者長篇累牘益知居士之接
引後進追跡古風劍甌裴揚李不多讓也渴思一晤以
慰企仰而會有天界木師之戚即日東赴矣衲數載任

山初無技倆祇以拙誠見諒遠近依止漸多因念祖庭
未廓講院將頽恐有負於前輩鄒郭諸大賢移出講堂
勝舉方有募化欲次第修飾俟落成之日則以魯公祖
閣亭做漢隸配以聖域二字亭於山前舊址之上今乃
踉蹌而歸未有端緒不知數月之後能復重來以竟此
意不也知有高賢附此相託

致青原笑和上

浮渡智

荆樹放光覆木乖迹東西合掌恰度今時師子野于一
齊剝裂矣賤子竹闌抄碎博得一慟終天血濺今古此
豈那伽次定一句所能消解耶忽忽三季藥廬自倒聊